



## Aðventutónleikar

Söngfélagið Sálubót heldur aðventutónleika í Þorgeirskirkju þriðjudaginn 12. desember kl:20:00. Stjórnandi er Jaan Alavere.

Einsöngvarar með kórnum eru Fanney Snjólaugar Kristjánsdóttir og Jónas Reynir Helgason. Undirleik fremja Jaan Alavere, Marika Alavere, Pétur Ingólfsson, Katla María Kristjánsdóttir og Þórgnýr Valþórsson.

Sérstakir gestir eru barnakór Stórutjarnaskóla. Fjölbreytt dagskrá. Miðaverð 2.500 kr. Frítt fyrir 14 ára og yngri. Að tónleikunum loknum er boðið upp á smákökur og hressingu í safnaðarheimilinu.



## JÓLAMARKAÐUR Í VAGLASKÓGI

Laugardaginn 9. desember verður haldinn jólamarkaður í starfsstöð Skógræktarinnar í Vaglaskógi frá kl. 13 til 17.

Handverksfólk úr Þingeyjarsveit og nágrenni verður með fjölbreyttan varning til sölu.

Einnig verður hægt að kaupa jólatré, greinar, arinvið og fleira úr Vaglaskógi.

Nemendur úr Stórutjarnaskóla verða með kaffisölu fyrir ferðasjóð sinn.

### **SJÁUMST Í JÓLASKAPI Í SKÓGINUM!**

Skógræktin Vöglum.



Kæru lesendur og auglýsendur

Hlaupastelpan kemur út á miðvikudögum og auglýsingum þarf því að skila á **MÁNUDÖGUM fyrir**

**kl. 15:00.** 😊

Síðasta Hlaupastelpan ársins kemur út 20. desember og allar jólkveðjur verða birtar þá

ATH! Verð á auglýsingum  
Verð hálf síðu er kr.3200.-m.vsk  
Verð heilsíðu er kr.4300.- m.vsk  
Jólkveðja 1/3 síða kr 2500.-

## **Þorrablót Fnjóskdæla 2018**

verður haldið í Stórutjarnaskóla 3. febrúar.

Takið daginn frá.

Nefndin



**Það er kominn tími til að tengja**

Íbúar á Laugum geta nú pantað sér þjónustu á ljósleiðara Tengir hf.

Svona pantar þú þjónustu. Þú hringir í þjónustuver þess aðila sem þú vilt vera hjá (t.d Síminn, Vodafone eða Hringdu) og tilkynnir að þú viljir færa þjónustuna yfir á ljósleiðarann hjá Tengir. Tengir fær síðan beiðni frá þeim þjónustuaðila um að virkja sambandið og í framhaldi koma tæknimenn frá Tengir og tengja inntaksboxið og setja upp router og afruglara.

Þeir íbúar í Fnjóskadal, Kinn, Bárðardal, Reykjadal og Aðaldal sunnan við Tjörn þar sem ljósleiðarinn er kominn inn og hafa ekki enn pantað þjónustu eru minntir á að gera það sem fyrst. Nánari upplýsingar í síma 460 0460.

Sveitarstjórn staðfesti fundargerðina fyrir sitt leyti og vísar henni til gerðar fjárhagsáætlunar 2018-2021.

#### 8. Fundargerð Fræðslunefndar frá 07.11.2017 og 20.11.2017

Lagðar fram tvær fundargerðir Fræðslunefndar frá 7. og 20. nóvember s.l. Sveitarstjóri gerði grein fyrir fundargerðunum, fyrri fundargerðin er í 4 liðum og seinni í 5 liðum.

Varðandi 3 lið fundargerð frá 07.11.2017; Daglegur opnunartími leikskóla og sumarlokun næsta sumar.

Sveitarstjórn samþykkir tillögu nefndarinnar um breyttan opnunartíma í leikskólanum Tjarnaskjólí og vísar því til gerðar fjárhagsáætlunar 2018-2021.

Sveitarstjórn staðfestir fundargerðirnar og vísar þeim til gerðar fjárhagsáætlunar 2018-2021.

#### 9. Fundargerð Skipulags- og umhverfisnefndar frá 15.11.2017

Lögð fram fundargerð Skipulags- og umhverfisnefndar frá 15. nóvember s.l. Ávaldur gerði grein fyrir fundargerðinni sem er í 3 liðum.

3. liður fundargerðar; Múli 1, umsókn um heimild til landskipta. Sveitarstjórn samþykkir erindið og felur skipulags- og byggingarfulltrúa málsmeðferð vegna landskiptanna eins og lög og reglugerðir mæla fyrir um.

Sveitarstjórn staðfestir fundargerðina að öðru leyti.

Fleira ekki gert og fundi slitið kl. 15:52



### **PORRABLÓT EFLINGAR**

Verður haldið laugardaginn 27. janúar 2018

á Breiðumýri samkvæmt venju.

Takið daginn frá.

Þorablótsnefnd Eflingar

## Til sölu

Pajero 2004 diesel sjálfskiptur með leðri,  
ekinn 199.600 km.

Bíll í góðu lagi og ávallt í góðu viðhaldi.

Sumar- og vetrardekk á felgum.

Verð 1.196.000 kr

Upplýsingar í síma 8977811



## Aðventustund á Grenjaðarstað.

Aðventustund verður á Grenjaðarstað  
næstkomandi fimmtudagskvöld 7. desember,  
klukkan 20:00.

Allir velkomnir.



## Frá Bókasafninu í Stórutjarnaskóla

Lesið verður úr nýjum bókum  
fimmtudaginn 7. desember kl. 19:30 – 21:30  
Komum saman og eigum notalega kvöldstund!

Kaffi á könnunni  
Allir velkomnir!

Bókavörður



## Aðventukvöld í Þorgeirskirkju

Föstudagskvöldið 8. desember kl. 20.30 verður haldið sameiginlegt aðventukvöld í Þorgeirskirkju fyrir Háls-Ljósavatns- og Lundarbrekkusóknir. Kórsöngur undir stjórn Dagnýjar Pétursdóttur. Ræðumaður kvöldsins er Jónas Reynir Helgason. Nemendur tónlistarskólans leika á hljóðfæri. Verið öll hjartanlega velkomin og njótum aðventunnar saman!

Tillaga oddvita borin upp til atkvæða.

*Tillagan samþykkt með fimm atkvæðum fulltrúa A lista gegn tveimur atkvæðum fulltrúa T lista.*

*Sveitarstjórn vísar fjárhagsáætlun 2018-2021 til síðari umræðu.*

### 3. Leikskólalóðin við Krílabær – viðauki

Sveitarstjóri gerði grein fyrir kostnaði vegna framkvæmda á leikskólalóð Krílabæjar. Sveitarstjórn samþykkti á fundi sínum þann 15. júní s.l. að ljúka framkvæmdum á lóð fyrir en áætlað var. Kostnaður er um 8 milljónir.

*Sveitarstjórn samþykkir með fimm atkvæðum fulltrúa A lista, viðauka að upphæð 8 millj.kr. við fjárhagsáætlun 2017 vegna framkvæmda við lóð Krílabæjar sem mætt verður með handbæru fé. Fulltrúar T lista sátu hjá.*

### 4. Heilsueflandi samfélag í Þingeyjarsveit

Sveitarstjóri gerði grein fyrir fundi sem hún átti með Gunnhildi Hinriksdóttur í framhaldi af erindi sem lagt var fram á síðasta fundi sveitarstjórnar um heilsueflandi samfélag í Þingeyjarsveit.

*Sveitarstjórn samþykkir með sex atkvæðum að hefja vinnu og undirbúning við að Þingeyjarsveit verði heilsueflandi samfélag og felur sveitarstjóra að vinna að framgöngu málsins í samráði við Gunnhildi Hinriksdóttur. Ragnar Bjarnason greiddi atkvæði á móti.*

### 5. Aflið – styrkbeiðni

Lögð fram styrkbeiðni frá stjórn Aflsins, samtök gegn kynferðis- og heimilisofbeldi, dags. 20. nóvember sl. þar sem óskað er eftir fjárstyrk til að styðja við starfsemina.

*Sveitarstjórn samþykkir að veita styrk að upphæð 150.000 til starfseminnar og vísar til gerðar fjárhagsáætlunar 2018.*

Oddviti óskað eftir breytingu á dagskrá, um að færa 9. lið; Fundargerð Félags- og menningarmálanefndar frá 20.11.2017, undir 6. lið og aðrir liðir færast neðar á dagskrá sem því nemur.

*Samþykkt samhljóða.*

### 6. Fundargerð Félags- og menningarmálanefndar frá 20.11.2017

Lögð fram fundargerð Félags- og menningarmálanefndar frá 20. nóvember s.l. Heiða gerði grein fyrir fundargerðinni sem er í 5 liðum.

*Sveitarstjórn staðfestir fundargerðina og vísar henni til gerðar fjárhagsáætlunar 2018-2021.*

Heiða yfirlit fundinn eftir afgreiðslu þessa liðar.

### 7. Fundargerð Brunavarnanefnda frá 07.11.2017

Lögð fram fundargerð Brunavarnanefndar Skútustaðahrepps og Þingeyjarsveitar frá 7. nóvember s.l. Arnór gerði grein fyrir fundargerðinni sem er í 5 liðum.

4. liður fundargerðar; Starfshlutfall slökkviliðsstjóra.

*Sveitarstjórn samþykkir fyrir sitt leyti tillögu nefndarinnar um að starfshlutfall slökkviliðsstjóra verði aukið í 100% þar sem ljóst er að umsvif starfsins eru sífellt að aukast og felur sveitarstjóra að ræða við Skútustaðahrepp um framgang málsins.*

**Fundargerð  
Sveitarstjórn Þingeyjarsveitar  
30.11.2017**

**227. fundur**

**sveitarstjórnar Þingeyjarsveitar**

**haldinn í Kjarna fimmtudaginn 30. nóvember 2017 kl. 13:00**

**Fundinn sátu:**

Arnór Benónýsson, Heiða Guðmundsdóttir, Árni Pétur Hilmarsson, Eiður Jónsson í forföllum Margrétar Bjarnadóttur, Ásvaldur Ævar Þormóðsson, Ragnar Bjarnason og Sigurður Hlynur Snæbjörnsson.

Að auki sat fundinn Dagbjört Jónsdóttir sveitarstjóri sem ritaði fundargerð.

Oddviti setti fund.

**Dagskrá:**

1. Gjaldskrár 2018 – fyrr umræða
2. Fjárhagsáætlun Þingeyjarsveitar 2018-2021 – fyrri umræða
3. Leikskólalóðin við Krílabær – viðauki
4. Heilsueflandi samfélag í Þingeyjarsveit
5. Aflið – styrkbeiðni
6. Fundargerð Félags- og menningarmálanefndar frá 20.11.2017
7. Fundargerð Brunavarnanefndar frá 7.11.2017
8. Fundargerð Fræðslunefndar frá 7.11.2017 og 20.11.2017
9. Fundargerð Skipulags- og umhverfisnefndar frá 15.11.2017

**Til kynningar:**

- a. Fundargerð stjórnar DA frá 15.11.2017
- b. Ályktun Aðalfundar Eypings 2017
- c. Fundargerð aðalfundar Eypings 2017

**1. Gjaldskrár 2018 – fyrri umræða**

Gjaldskrár 2018 teknar til umræðu. Áætlað að almennt hækki gjaldskrár um 2,7% en gjaldskrár leikskóla, tónlistarskóla, mötuneytis og sorphirðu verði óbreyttar.

*Sveitarstjórn vísar gjaldskrár 2018 til síðari umræðu.*

**2. Fjárhagsáætlun Þingeyjarsveitar 2018-2021 – fyrri umræða**

Fjárhagsáætlun Þingeyjarsveitar 2018-2021 tekin til fyrri umræðu. Sveitarstjóri gerði grein fyrir áætluninni ásamt skrifstofustjóra sem sat fundinn undir þessum lið.

Oddviti lagði til að samþykkt yrði, með vísan í 3. gr. laga um tekjustofn sveitarfélaga nr. 4/1995, að fasteignaskattur fyrir árið 2018 verði óbreyttur eða 0,625% í A flokki, 1,32% í B flokki og 1,65% í C flokki.

Fulltrúar T lista lögðu fram eftirfarandi breytingartillögu:

*Fulltrúar T lista leggja til að fasteignaskattur í A flokki verði lækkaður í 0,59% en verði óbreyttur í B og C flokki.*

Breytingatillaga T lista borin upp til atkvæða.

*Tillagan felld með fimm atkvæðum fulltrúa A lista gegn tveimur atkvæðum fulltrúa T lista.*



## Þingeyjarsveit

### Auglýsing um skipulagsmál á Rangá í Kaldakinn

Sveitarstjórn Þingeyjarsveitar samþykkti þann 9. nóvember 2017 að breyta áður auglýstri tillögu að deiliskipulagi ferðaþjónustusvæðis á jörðinni Rangá í Kaldakinn, sem auglýst var frá og með 16. júní til og með 28. júlí s.l. Breytingarnar eru eftirfarandi:

- Fyrirhugaður aðkomuvegur færir um 100 m til norðurs og verður hann 420 m norðan núverandi aðkomuvegar í stað 320 m áður.
- Hluti lóða og byggingarreita hliðrast til norðurs og eftir breytinguna verða allar lóðir norðan við læk, sem liggur í gegnum svæðið.
- Lóðum fyrir gistihýsi fækkar úr fimm í fjórar og heildarfjöldi gistihýsa fer úr 14 í 15. Fjöldi gistihýsa innan hvers lóðar er frá einu til fimm, en áður var gert ráð fyrir þremur gistihýsum innan hvers lóðar. Þá er skilgreindur byggingarreitur fyrir hvert gistihýsi, en áður var gert ráð fyrir allt að þremur gistihýsum innan hvers byggingarreits

Leitað var álits Vegagerðarinnar og Minjastofnunar Íslands, sem ekki gerðu athugasemdir við fyrirhugaða breytingu á deiliskipulaginu.

Skipulags- og umhverfisnefnd Þingeyjarsveitar taldi að breytingin væri það óveruleg að hún myndi ekki skerða hagsmuni nággranna, eða annarra hagsmunaaðila.

Allar nánari upplýsingar veitir undirritaður.  
Bjarni Reykjálín,  
skipulags- og byggingarfulltrúi Þingeyjarsveitar.





Frá Stórutjarnaskóla

## Jólatónleikar

Jólatónleikar Stórutjarnaskóla verða í sal skólans föstudaginn 8. desember og hefjast kl 13:30.

Fjölbreytt og skemmtileg efnisskrá

Sjoppan opin og kaffisopi að loknum tónleikum

Allir hjartanlega velkomnir

*tónlistarkennarar*



## Aðventukvöld - Kirkjuskóli

Aðventukvöld verður í Einarstaðakirkju sunnudagskvöldið 10. desember kl. 20.

Kirkjukórinn syngur jólalög undir stjórn Valmars Völjaots. Nemendur tónlistardeildar Þingeyjarskóla flytja tónlist undir stjórn Péturs Ingólfssonar.

Sr. Bolli Pétur Bollason flytur hugvekju.

Léttar veitingar í Félagsheimilinu á Breiðamýri á eftir.

Mínum á kirkjuskólann Grenjaðarstaðakirkju 9. desember kl. 11 og Einarstaðakirkju 16. desember kl. 11.

Umsjón hefur Sindri Geir Óskarsson.

Verið velkomin.

Sóknarnefnd

47.tbl.  
6. des  
2017  
24. árg.

## Hlaupastelpan

hlaupastelpan@isl.is,s:4643366/gsm:8953386



## Jólasveinarnir í Dimmuborgum

taka á móti gestum frá kl 11:00 til 13:00

alla daga fram að jólum

18 ára og eldri greiða 1.500kr í Grýlusjóð

## Aðventuhátíð í Mývatnssveit

laugardaginn 9. desember

Jólasveinateiti í Dimmuborgum kl 11:00 - 13:00

Grýlusjóður á sínum stað

Markaðsdagur í Jarðböðunum kl 14:00 - 18:00

þar sem góðgæti og handverk fæst í jólapakkann, eða í jólamatinn!

Jólasveinarnir fara svo í sitt árlega bað

í Jarðböðunum kl 16:00

*Mývatnssveit, töfraland jólanna!*



www.visitmyvatn.is  
www.jolasveinarnir.net

